


Show di Damita, Dama y Dama Grandi Cultural, den Centro di bario Brazil tabata bunita y den dushi ambiente.



ORANJESTAD(AAN)-- Diasabra dia 29 Augustus, 2015 a tuma lugar e eleccion di Damita, Dama y Dama Grandi Cultural, 2015 den Centro di bario Brazil cu



Bunita show, dushi ambiente. Tur presente por a disfruta di bunita shownan hinca den otro y di hopi musica crioyo. Esaki ta e di dos aña cu e comision ta organisando e eleccion aki. E biaha aki a agrega un titulo mas cu ta Dama Grandi Cultural ariba 60 aña. Tambe tabata presente, Grupo Sodo y Cuero cu nan dushi tambu y cu a compana e participantenan den e apertura, cu nan a show di baile, actuacion, canto y mensahe bunita.

Un anochi unda cu e publico a goza hopi y apoya tur participante. E 7 Huradonan tabatin un tarea dificil pa elegi e ganadornan.

Den Damita Cultural a keda corona: Jeumy Hernandez, Den Dama Cultural, Magda Laclé y den Dama Grandi Cultural Marceliana

Werleman. Despues di e eleccionan varios mucha, teenagers, adulto y grandinan ya a bisa cu nan lo inscribi pa otro aña. Pa diadomingo 6 di september ya e comicion, gruponan di participantenan, grupo tipiconan, Dj's nan, Baby, Chikitin, Prenda, Damita, Dama y Dama Grandi Cultural ta cla pa subi caminda den e grandioso parada celebrando e "dia di Brazil" dedica na nos Mama di Cultura Sra. Bernadina Growell q.e.p.d. Nos kier a invita Pueblo di Aruba pa bin para na banda bin disfruta, aplaudi y apoya e participantenan den e parada aki. Danki Bo Potret y pabien na e tres representantenan di nos cultura di aña 2015 y tambe tur cu di un manera of otro a hasi e show aki uno hopi bunita.